

Adroddiad i	Awdurdod Tân ac Achub Gogledd Cymru
Dyddiad:	17 Gorffennaf 2023
Swyddog Arweiniol	Amherthnasol
Swyddog Cyswllt	Gwasanaethau Aelodau (members.services@northwalesfire.llyw.cymru)
Pwnc	Adroddiad y Cadeirydd



PWRPAS YR ADRODDIAD

- 1 Mae'r adroddiad hwn yn rhoi gwybodaeth i'r Aelodau am y cyfarfodydd a'r digwyddiadau yr aeth Cadeirydd a Dirprwy Gadeirydd Awdurdod Tân ac Achub Gogledd Cymru (yr Awdurdod) iddynt yn rhinwedd eu swydd rhwng mis Ebrill 2022 a mis Mehefin 2023.

CRYNODEB GWEITHREDOL

- 2 Mae'r Cadeirydd a/neu'r Dirprwy Gadeirydd wedi mynychu nifer o gyfarfodydd a digwyddiadau, yn fewnol ac yn allanol ar ran yr Awdurdod.

ARGYMHELLIAD

- 3 Argymhellir bod yr Aelodau'n:
 - i) nodi'r wybodaeth a ddarperir.

ARSYLWADAU GAN Y PANEL GWEITHREDOL/PWYLLGOR ARCHWILIO

- 4 Nid yw'r adroddiad hwn wedi cael ei ystyried o'r blaen.

GWYBODAETH

- 5 Yn ogystal â'r cyfarfodydd sy'n gysylltiedig â'r Awdurdod, mae'r Cadeirydd a'r Dirprwy Gadeirydd wedi cyfarfod y Prif Swyddog Tân (CFO) yn rheolaidd. Fe wnaethant hefyd gyfarfod cynrychiolwyr Undeb y Brigadau Tân (FBU) cyn cyfarfod y Panel Gweithredol a gynhaliwyd ar 19 Mehefin 2023.
- 6 Ar 4 Ebrill 2023, 2 Mai 2023, 5 Mehefin 2023 a 22 Mehefin 2023 mynychodd y Cadeirydd a'r Dirprwy Gadeirydd gyfarfodydd gweithgor yr Adolygiad o'r Ddarpariaeth Frys.
- 7 Ar y 14 Ebrill 2023 aeth y Cadeirydd a'r Dirprwy Gadeirydd i gyfarfod gweithgor y Ganolfan Hyfforddi Newydd. Dilynwyd hyn ar 10 Mai 2023 gydag ymweliadau â chanolfannau hyfforddi Gwasanaeth Tân ac Achub Swydd Gaer a GTA Manceinion Fwyaf.

- 8 Ar 14 Ebrill 2023, aeth y Cadeirydd i 'Seremoni Dathlu Cyflawniad' ar gyfer recriwtiaid newydd yng Ngorsaf Dân y Rhyl.
- 9 Ar 24 Ebrill 2023, aeth y Cadeirydd a'r Prif Swyddog Tân i ddigwyddiad ymddeoliad yng Ngorsaf Dân Pwllheli ar gyfer y Rheolwr Gwylfa, Mike Evans, a oedd wedi cwblhau 48 mlynedd o wasanaeth gyda Gwasanaeth Tân ac Achub Gogledd Cymru (y Gwasanaeth).
- 10 Ar 26 Ebrill 2023, aeth y Cadeirydd a'r Prif Swyddog Tân i gyfarfod hybrid o'r Fforwm Partneriaeth Gymdeithasol dan gadeiryddiaeth y Dirprwy Weinidog.
- 11 Ar 28 Ebrill 2023, aeth y Cadeirydd i 'Seremoni Dathlu Cyflawniad' yng Ngorsaf Dân Llanfairfechan a chyflwyno tystysgrifau i'r bobl ifanc oedd wedi cwblhau'r cwrs Ffenics.
- 12 Yn ystod y chwarter diwethaf, mae'r Dirprwy Gadeirydd wedi mynychu 'Seremonïau Dathlu Cyflawniad' ar gyfer cwblhau cyrsiau Ffenics yng Ngorsafoedd Tân Rhuthun, y Fflint a Phrestatyn. Aeth y Dirprwy Gadeirydd hefyd i ddigwyddiad ymddeoliad yng Ngorsaf Dân y Fflint ar gyfer Tommy Probert.
- 13 Ar 27 Mai 2023, aeth y Cadeirydd i Orsaf Dân Rhosneigr i gefnogi'r digwyddiad golchi ceir elusennol.
- 14 Ar 16 Mehefin 2023, aeth y Cadeirydd i 'Seremoni Dathlu Cyflawniad' yng Ngorsaf Dân Llangefni a chyflwyno tystysgrifau i'r bobl ifanc oedd wedi cwblhau'r cwrs Ffenics.
- 15 Yn ystod y chwarter diwethaf, mae'r Cadeirydd a'r Prif Swyddog Tân wedi bod yn cynnal cyfarfodydd rhithiol gydag Arweinwyr Awdurdodau Lleol Gogledd Cymru i'w hysbysu am yr Adolygiad o'r Ddarpariaeth Frys. Hyd yn hyn, mae cyfarfodydd wedi'u cynnal ag arweinwyr awdurdodau Conwy, Wrecsam, Sir Ddinbych a Sir y Fflint.

GOBLYGIADAU

Amcanion Llesiant	Amherthnasol.
Cyllideb	Mae unrhyw gostau sy'n gysylltiedig â chyfarfodydd a digwyddiadau y mae'r aelodau yn eu mynychu yn cael eu had-dalu o'r gyllideb ar gyfer teithio a chynhaliaeth.
Cyfreithiol	Does dim goblygiadau penodol yn codi o gymeradwyo'r argymhelliad.
Staffio	Does dim goblygiadau penodol yn codi o gymeradwyo'r argymhelliad.
Cydraddoldeb/ Hawliau Dynol/ y Gymraeg	Does dim goblygiadau penodol yn codi o gymeradwyo'r argymhelliad.
Risgiau	Does dim risgiau penodol yn codi o gymeradwyo'r argymhelliad.